

Share a story today!

Nalibali
EZALI KOBANDA
NA LISOLO.

Mokolo ya feti ya mokili mobimba mpona botangi na mongongo makasi na Nal'ibali



Mbula oyo ezali **ya 10** ya mbula na mbula Mokolo ya feti ya mokili mobimba mpona botangi na mongongo makasi na Nal'ibali! Tosengi nayo mpe libota nayo kotanga lisapo monene na biso na mongongo makasi, *Feti na parke*. Ekomami na Mabel Mnensa mpe emonisami na Rico.

Lisapo ezali na minoko nyonso 11 ya le ta ya Afrika ya sudi. Mpe, oyo mpo na kosalisa bato mingi basepela lisapo na biso na minoko ya mboka ya bandako na bango, Lisapo ezali mpe na monoko ya shona, na monoko ya **Lifalase**, na monoko ya **Chichewa**, na monoko ya **Portugais**, na monoko ya **Swahili** mpe monoko ya **Lingala**.

Bosalisa biso kotangela bana mingi mpenza lisapo na mongongo makasi mokolo oyo ya feti ya botangi na mongongo makasi, **2 sanza ya mibale 2022** – mpe mikolo nyonso – mpe kozala na kati ya ndako ya kolakisa kotanga mpe kokoma na Afrika ya sudi!

Nini okoki kosala

Kosala elaka ya kotanga na mongongo makasi na kati ya libota na **Mokolo oyo ya feti ya mokili mobimba po na botangi na mongongo ya makasi** – mpe mikolo nyonso. Komisa nkombo na www.nalibali.org to na WhatsApp liloba **"WRAD"** na **060 044 2254**. Libota nyonso oyo ekotisa bankombo ekozwa libaku ya kokota na mobembo ya kotanga ya Libota ya **Mokolo ya feti ya mokili mobimba pona botangi ya mongongo makasina Nal'ibali**. Bokozwa masolo misusu mpe mwa batoli mpe makanisi na likambo etali kotanga elongo na bana na mbula mobimba.



Kokolisa bolingo ya kotanga elongo na bato mosusu

Ntango bosepeli lisolo na bana nayo mikolo nyonso:

- ★ ekomonisa bango ete okanisi ba buku mpe kotanga ezali ya tina.
- ★ Ekopesa yo makambo ya kosolola na kati ya libota.
- ★ Ekotongelo bino boninga
- ★ Ekosalisa bango komona ete kotanga ezali likambo ya kitoko mpe ya kosepela.
- ★ Ekomonisa bango ndenge ya kotanga mpe ndenge nini buku ezali.
- ★ Ekosala ete basepela na masolo oyo bakoki kotanga bango moko.
- ★ Ekopesa bango makasi ya koyekola kotanga bango moko mpe kokoba kotanga.
- ★ Ekosalisa bango kokolisa makoki ya koyekola kotanga mpe kokoma mpe makoki ya makanisi oyo bakoki kosalela na kelasi mpe na kati ya bato.



**Kopanza bolingo ya masalo!
Sangiza masolo oyo to yebisa
na moto moko oyebi.**

Feti na parke

Lisolo ya Mabel Mnensa ★ Bandakisa ya Rico ★ Libongoli ya Afrolingo

Neo, Josh mpe Hope bazalaki bango nyonso na ndako ya Gogo. Bazalaki kosolola mpe koseka na mongongo makasi.



"Shhhh!" alobaki Gogo. "Nazokoka te koyoka oyo bazali koloba na radiyo. Bo yaa, tika tolonda biso nyonso emisiyo oyo nalingaka."

Bato nyonso bafandaki nyee mpe balandaki. Mbala moko bayokaki journaliste atangi nkombo ya parke na bango.

"Wow! Parke na biso eyebani!" alobaki Neo.

"... mpe Tiniso, oyo ayebanaki na nkombo ya Tin, akoyemba na mpokwa oyo na We Can Band. Ba artistes oyo bauti na Zimbabwe, Nigeria mpe Malawi bakoyemba mpe. Bato nyonso bakoki koya kosangana na feti!" alobaki journaliste.

"Gogo," alobaki Neo, "oyokaki yango? Balobaki ete bayambi bato nyonso. Tokoki kokende? Palado?"

Gogo alukaki Neo mpe asekaki. "Soki Josh na Hope Bandimami kokende, nde yo okoki mpe kokenda," alobaki. Josh mpe Hope babimaki mbangu lokola engengiseli mpo bakende kosenga ndingisa epayi ya baboti na bango mpo basangana na feti na kati parke.

Ntango bazongaki kolanda Neo, Hope ayebisaki Gogo ete Bella na Mama naye mpe bakokende.

"Malamu, Okoki pe kokende. Botikala penepene," alobaki Gogo.

Na parke, Neo amonaki Bella na mama naye, mpe ata Noodle azalaki na bango. "Nakanisi ete moto nyonso ya engumba na biso azali awa," alobaki Neo. "Mpe bato misusu ya sika."

"Landa ..." alobaki Josh. "Ezali bato oyo basololaka na monoko ya lifalanse?"


"Ya solo!" alobaki Hope. "Nazoyoka mpe monoko ya Chichewa mpe ya Shona."

Neo asimbacki loboko ya Hope. "Tala," alobaki, "Tin azali na podium! Kasi We Can Band ezali wapi?"

Liboso Hope ayanola, Tin atelemaki na microphone. "Mbote!" alobaki. "TOZALI PENE MPO NA KOBANDA FETI OYO?"

"Yebo, ee!" bato bagangaki.

Tin abandaki kobeta gitare. "Bozongela sima na ngai." Alobaki ntango abandaki koyemba. "Lokolo ya mwasi na sima."



"Lokolo ya mwasi na sima," bayembaki bato.
 "Lokolo ya mobali na sima," ayembaki Tin.
 "Lokolo ya mobali na sima," bayembaki bato.
 Josh na Hope bazalaki koseka mpe koyemba
 elongo, kasi Neo azalaki
 kotala ngambo na
 ngambo orkestre.



"Boya, bato nyonso!" agangaki Tin "Tika tosepela! To bolingi We can Band Esalisa bino?"

"Yebo, ee!" bato bagangaki.

Tin atalaki zingazinga. "Orkestre ezali wapi? O te, nazomona bango te. Ekoki kozala feti te soki orkestre ezangi. Nakosenga lisungi. Kaka ekipi nde ekoki kobikisa ndoto oyo!" Tin aseka ntango azalaki kotala bato. "Banda ya liboso, nazali na mposa ya babeti-mbonda mibale."

Neo mpe Hope batyaki maboko likolo liboso. Ntango bamataki na podium, Tin amemaki bango na bakesi minei ya minene ya kafe oyo ezali na bizipeli ya plastike. Bakesi ezalaki na ekembisami ya papier ya moindo mpe ba bouton. Ezalaki mpe baguettes ya kosalela mpona Neo mpe Hope.

"Sikoyo tolingi moto ya koningisa biloko mosusu ya miziki," alobaki Tin.

"Josh! Pona Josh!" Neo agangaki.

"Josh azali awa? Josh azali wapi? Botika ayaka awa," alobaki Tin.

Josh atyiaki loboko likolo. Mibali mibale batombolaki kiti naye ya bibosono na podium
 "Toyambi yo, Josh," alobaki Tin "meka biloko oyo mibale ya miziki."

Josh aningisaki moko mpe mosusu. Ezalaki kobimisa lokito oyo ekeseni.

"Kitoko," alobaki Tin. "SIKOYO, TIKA ..."

Kasi liboso asukisa, ezalaki makelele makasi ya cliquetis Bato nyonso bazalaki kotala zingazinga mpo batala soki ezali nini

Na sima Noodle akimaki na podium, azalaki komema mwa manzanza oyo ekangisamaki na nsinga sima naye.

"Ba carillons!" Tin agangaki. "Nakanisaki ete nabungisaki yango."

Bella akimaki na podium. "Noodle!" abengaki ye. Noodle akimaki na Bella, manzanza ebimisaki makelele sima naye.

"Malamu," alobaki Tin nakoseka. "Nakanisi ete Noodle alingi azala na kati ya We Can band. Mpe Nakanisi ete alingi yo pe osangana na biso," alobaki, amonisaki Bella.

Tin asungaki Bella komata na podium mpe bango mibale bafungolaki ba carillons wana na nzoto ya Noodle. Na sima Bella mpe Noodle bakendaki kotelema pembeni ya Neo, Hope na Josh.

Tin abetaki gitare naye mpe alobaki, "TIKA TOBANDA MIZIKI!"

Ntango Tin amonisaki Neo na Hope, babetaki mbonda na bango. Na yango Tin ayembaki, "Lokolo ya mwasi na sima," mpe amonisaki bato.

"Lokolo ya mwasi na sima," bayembaki bato.

Na sima Tin amonisaki Josh mpe aningisaki biloko naye ya miziki landana na mbonda.

"Lokolo ya mobali na sima," ayembaki Tin.

"Lokolo ya mobali na sima," bayembaki bato.

Tin amonisaki Bella. Molongo ya ba carillons ebimisaki lokito ya kitoko ntango azalaki koningisa moko na mosusu. Noodle agangaki na esengo.

Kala te feti ekomaki kitoko koleka. Tin ayembaki nzembo naye ntango Neo, Hope, Josh mpe Bella bazalaki kobeta miziki elongo naye. Mpe Noodle azalaki konganga mbala na mbala mpo na kosangana pe!

Na sima ba artistes misusu bayembaki moko na moko nzembo ya mboka na bango Bato bazalaki kobeta maboko makasi. Basepelaki feti!

"Bomoni," alobaki

Tin na We Can

Band," ekipi oyo ebikisi ndoto!

Matondo po na bino minei... mpe Noodle, moto nyonso asepelaki feti!"



Mabota oyo etangaka elongo, ekolonga elongo

Kotangela mpe koyebisa masolo na bana nyonso mikolo nyonso

Okoki kotanga lisolo na mongongo makasi po na bana oyo bazali na mbula 6 mpe koleka. Bana oyo bazali na mbula 3 to 6 bakosepela *Koyoka* masolo ntango ozali koyebisa bango. Oyo ezali makanisi ya ndenge nini okopanza masolo na bana nayo ya mike.

Liboso

- ★ Yekola koyeba lisolo nango malamumu mpo oyebisa yango na ndenge nayo.
- ★ Kanisa ndenge nini ya kotya lisolo na bomoi nayo.
 - Sala bitanda oyo elobi: "Boya na feti na biso na kati ya parke!" Tya bitanda wana esika bana bakotala yango.
 - Luka ntango moko na kati ya mokolo oyo libota nayo nyonso bozali elongo mpo na kopanza lisolo.
 - Luka ndambo ya lisolo oyo bana bakoki kosangana, ndakisa, kosala likambo landana na nzembo ya Tin.
 - Pona bajeste ya bilongi mpe bilembo mosusu okosalela yo moko mpo na koyebisa lisolo, ndakisa, kotalela oyo Neo asali na We Can Band.
 - Kokongola mpe/to kosala mbunda ya muke, biloko ya misiki ya koningisa mpe ba carillons, to kozwa bafoto ya lisolo oyo na internet mpe bimisa yango na www.nalibali.org po na kosalela mpe komonisa ntango ozali koyebisa lisolo.
- ★ Kosala ngalasisi ya koyebisa to kotanga lisolo na mongongo makasi yo moko, to sala ete moto nyonso na libota nayo to moninga nayo atanga esika moko ya moto moko oyo azali na kati ya lisolo. Ndakisa, Eteni ya Gogo ekoki kotangama na gogo nayo moko.

Na boumeli

- ★ Kobandisa lisolo mpe bizaleli.
- ★ Yebisa bana lisolo wana.

Nsima

- ★ Kotuna mituna ya muke pona kolendisa bana pona kokanisa mpe koloba makambo etali makanisi oyo etali lisolo wana, ndakisa. "Nini osepelaka kosala na feti?"
- ★ Elongo, tosala matambe ya kobina Benga makambo lokola Tin asali yango.
- ★ Yebisa bana ko:
 - Kosala ba instrument ya misiki lokola mbonda, biloko ya misiki ya koningisa mpe ba carillons na biloko ya kala bakangisi lokola manzanza, baplastike, bansinga to nkunza ya mpate, papye ya twaleti, mayaka, ba buto mpe ezipeli ya bouteille, mpe colle, sizo mpe langi.
 - Kosala concert esika wapi bango bakobeta ba instrument na bango mpe koyemba.
 - Kosala ba scenes na kati lisolo salela mabele to argile.



Kopanza bafoto mpe ba video yay o na bana nayo epayi wapi bozali kosepela masolo na Mokolo ya mokili mobimba mpo na botangi na monoko ya makasi mpe misala mosusu na page na biso ya Facebook!



Nal'ibali (isiXhosa pona "Oyo nde masolo") ezali Kampagne ya leta pona kosepela kotanga. Emonaleli na biso eza Afrika ya sudi esika wapi bana nyonso basepelaka lisapo na mikolo nyonso.

Nal'ibali ezali awa pona kopesa makasi mpe kosalisa bino. Kosolola na biso na nzela oyo nyonso:

f nalibaliSA

t @nalibaliSA

@nalibaliSA

✉ info@nalibali.org

Nal'ibali

LINGALA